

MA 2726

ST A D E S T U N D ' N .

=====

eine Dialektsendung von u.mit
Harry Harranth.

1 Sprecher:

1 Zitherspieler(in) oder Bänder.

Dauer: 35 Min-

Manus: Harry Harranth Wien III Baumgasse 1/14

Rotlicht: Musik: (wenn möglich hastig, zapplig, o.dgl. am besten mit einer Cäsur) ^{UK 2908} 123

Sprecher: Üabl oamol, / da muaßt rast'n; /
 üabl oamol follts da ei':
 kannst nöt ollwei rackern, / hast'n, /
oamol muaß a Ruah dert sei! - - -
 Dann steigst außa aus dein G'schirrl,
 kimmst da g'ring af oamol für,
 dann burst aus ban hintan Türl - -
 und dann röd'st a weng mit dir. - /
Jo, / dö Zeit reißt monche Wund'n,
pflögst as nöt, / dann heiln's nöt zua; /
 Nimm da a paar / "stadö Stund'n", - -
 Nimm da's / und du find'st dei Ruah! / (Harry Harrant)

Musik: ^{UK 1539} ^B

205

Sprecher: Lieg draußt af da Wiesn. (Jos.Vinz.Großauer.)

(Lieg draußt af da Wies'n
 und los und sinnier
 und i röd', / was i denk,
 oft selba mit mir. /
 Grad / sag i ma selm: /
 s' Löbn war ja so schö, /
 as braucht grad dö s oan',
 nur dö anda vastöh.
 S' Löbn war ja so schö', /
 nua / da Nochbar danöbn.... /
 No, / was is's denn mit eahn? /
 Ja, / an Fried sall a göbn. /
 Ja, da Nochbar danöbn,
 is dö ewige Klog, /
 weils da oan' a so necht
 und da onda nöt mög.)

Da oan' mechts aso
 und da onda mechts so
 und mitanond löbn
 und - sterbn müaßn's doh.
 Sterbn müaßn's doh
 und an Fried müaßn's göbn
 und wia a im Löbn,
 is da Nochbar danöbn. //

 Lieg draußt af da Wiesen
 und los und sinnier
 und i röd, was i denk,
 oft selba mit mir.
 Grad sag i ma söln:
 Schau, s' ganzö Getier
 kennt eh a koan Fried,
 na, grad halt wia mir.
 Da Stärka is do
 und da Schwächa gibt noh -
 und wo a nöt nohgibt,
 da sötzt's aft wos o'.
 Grad wia untat Leut'n,
 a Stänkan und Streit'n,
 voll Quitschat und G'schroa,
 kost's Födan und Haar.
 Und grad oba mir
 ziagt a Habi sein Kroas;
 hau, nur wögn an Fliagn
 is der nöt af da Roas.
 A Hos oda Taubn
 muaß sicha d'rang'laubn
 und er fragt ba sein Raubn
 um koa G'sötzt und Valaubn.

Ja, / da Stärka hat s' Recht
 und da Schwachö hat's ah -
 und er findats a g'wiß,
 wann da Stärka nöt wa. - -

Lieg draußt af da Wiesn
 und los und sinnier -
 und wann ma so denkt,
 wird ma selba ganz irr.

Mei', / da Friedn ringsum
 wa ja überaus schö' - -
 aba schau, / af den Flög
 bleibst nöt liegn und nöt steh'.

Und as kost ma a Müah
 und i gib ma an Ruck,
 steh af - und i geh',
 denn i muaß wieda z'ruck.

Ja, / z'ruck ins Getrieb -
 und wieda in's Löbn - -

und i kimm ganz guat aus
 mit mein' - Nachbarn danöbn.

(Jos. Vinz. Großbauer.)

Musik, oder Lied.

V.K. 3901 *Ferien...*

307

Sprecher:

Zwiesprach!

Hintan Haus, / am Ockaroa
 sitz i oft so ganz alloa;
 Und mei ormes Bauanhirn
 höbt dann an halt zan sinniern:
 Wia's so g'wö'n is, / wia's wird kenma.
 wia's grad is, / so muaßt as nehma! -
 Aba, / monchmol möchst woi gern,
 oamol, / derfts scho bössa wern.
 Ollwei nua grad rackern, schind'n,
 nia a Brösal anseg'n find'n,

woast ja nöt, wia hart da g'chiacht,
 möchst ja a^aweng zan Liacht! - - -
 Nu dawei' is no neamd krank,
 habnt a Hoamat gottseidank.....
 Eigentli, (so rat i ei!)
 kintat ma scho z'fried'n sei' !
 Hat koan Zwöck nöt dös salbadern
 und mi'n Herrgott ollwei' hadern,
 wia a's mocht, er mocht's scho recht,
 oamol guat -/und oamol schlecht,
 führt di oba scho' dei Stroß'n,
 kannst di scho af eahm valoß'n.....
 Nia nöt, glaub ma's, bist alloa',
 a nöt d'raußt ... am .. Ockaroa' !

(Harry Harrant)

Musik: (nett und friedlich)..... UK 2305 *Ant. Tr...*

4'45

Sprecher:UK 2302 *Ant. Tr...*
Mei Rast.

2'14

I schau ön Kindan ban Spieln gern zua
 und da kimmt üba mih allmal so a Ruah,
 als war i no selm wia a Kind dabei,
 als war i no selm wiara Kind so frei,
 so frei vo dö Sorign um's tägli Brät;
 als gabats koan Kunma, koa Müahn und koa Not.

So schau i gern zua, und halt a weng Rast
 und i ~~g~~^gfür koa Schwarn, koa Bürd' und koa Last;

I vagiß af mei Load, af mih sölb'n an Eicht
 und bi' wieda frei und mir is wieda leicht.

I schau in a ~~LÖHN~~ Welt voll ^{Hei}Sunn und Freid,
 in a andas Löbn, in a andanö Zeit.

I siag koa Hötzn, koa Treibn und koa Jogn -
 und i her koa Haßwort, koa zweiföhafts Frogn....

i siag mi nu selm in da Kindareih'; - -

nuh so jung und ^{du}dumm und so glüclö und frei! ^{Tabeu'} (J.V.Großbauer)

Musik:.. UK 2030 .. *Komm...*

Oft mitt'n im Löbn, da follts ma gach ein,
 wia's eppa wird wern, wann i neama wer sein;
 siach z' Sunn neama aufgehn, und s' Korn neama blüahn,
 koane Kinna mehr lochn, koan Wein neama führn -
 Wul, die Welt gangat weiter in G'schaft und in Gnäd,
 kunnt's jo a net valongan, daß sie meinatholm steht,
 kunnt's vun d' Leut net valongan, daß oans stillstehn sult,
 wonn wieda a Stoanl in Stroßngrobn rullt -. /
 Obar Oani, dos woäß i, gang still umanond,
 nahm a weiter wia sistn ihr Orbat für d' Hond:
 → Grod wonn oana kamat und wußt si koan Rot,
 und roatat si hoart, oda brauchat a Gnod, -
 und frogat danebn um ihrn frügaran Herrn,
 der hätt eam oft g'hulfn, den sachat er gern -.
 Nocha schauat's in d'Weit'm, und grod nur a Glonz
 in die wunnaliabn Augn /sogat still: "Jo, da Hons -"

Musik: (sehr besinnlich) UK 6047 *Musik* 2.08 (Hans Klöpfer)

① So a Liegn in da Wies,
aah! - / Wia wohl dös oan tuat. →
Und d' Sunn, / d' liabö Sunn,
dö moants ah sovü guat...." /
 → So moant öbn da Lenz
 (und ströckt si ön Gras
 (und guckt duri d' Helm
 (öftas vür wia a Hes. / →
 → Nöbn seina, / da Lois,
 (a stinkfaula Kunt,
bleanzlt abi ins Dorf,
wia's da arbatn drunt.

→ Höbt da Lenz wida an:
 ↘ " Is doh schen af da Welt.... →
 so a Liegn da heraußt,
 dös kost da koan Geld...!"
 ←↔ lv ↗ " Ja, ja," / sagt da Lois,
 recht schö langsam und fäu', /
 ←↔ ("dös scho," / und er ziagt
 an an Grashalm im Mäu'. /
 ←↔ "Recht schö is's heraußt,
 g'fallt ma netta wia dir, →
 aba leida a Geld leita
 kriagn ma holt koans dafür...?"
 ↑

(J.V. Großauer.)

Tafelberg o. M. 1290/5

1'36

Musik:.....

Sprecher:

In so stade Stund'n
 sitzt da Giz oft tiaf,
 host as rechte Wort nöt g'fund'n...
 nocha schreibst^{20 in} Van Briaf.....

(Harry Harranth)

Liabes Medei!

Liabes Medei! / schreibt da Simal,
sag ma's netta, / hast mi gern? /
Länga wartn kann i nimma,
schau, / hiatzt muaß bald öppas wern.
Hab um di scho sovü g'lidn, /
 hab sovü von dir erfahrn; /
 D' Leut rödn a oft recht vaschiedn
 (und i war bald narrisch wern. /
 Hast ma jo scho oft vasprocha,
 daß d' mi gern kriagst wia an Hund, /

Wills wofn in

→ und aft bin i dö ganz' Wocha
 (wieda grad a bleda Kund. /

Späße

Obst mi ollwei grad fürn Narrn hast? /
Na, / dös hoff' i nöt vo dir, /
 aba glaubn tua i's scho nimma,

7
daß da Sovü liegt an mir.

Was han i scho schluckn miaßn,

hab so grausig vü schon tan,

aba oll's muaß oan vadriaßn,

bol ma nix dazweckn kann.

Grad dö's nachst wars, / hinta enka, /

g'segn hast nix, / i hätt' da g'nickt, /

und dö Offn, / kannst da denka,

hamd mi aft so schia dazwickt.

→ Aft war i zan Fensta kemma,

hamt mi zwoa a so daschlogn; /

Kinnat oan, d' Kuraschi nehma,

at ok → is jo frei koa zuawi wagn!

Nachand erst ön Kirta wieda,

grad wögn deina is's ma g'schegn, /

hauns mi mit an Sössl nieda, →

→ hast as ja do selba g'segn! ←

→ Wei' i g'sagt han - / Medei gehma!

Hat mi oana scho ban Krogn, /

und / scho wü a's Mössa nehma,

hat da oan / mi niedag'schlogn. /

hab mi aba außag'waschn,

wia wann koana dag'wen wa'

und da Naz / mit meina Flaschn

tuat / ols wann a nu nöt sah. /

Nachand habns ma d' Pfoadn z'rißn, →

grad wegn deina, Medei, schau,

und ban Stoawirt außig'schmißn,

daß i draußt g'lögn bi an Bau! /

D' Hosn war za lauta Hutzn,

d' Joppn a af Fetzn hin. /

da Huat / tuats netta nu zan putzn; /

Sag ma, / hat denn dö's an Sinn.

8
Allas hätt i nu vabißn,
doch hiatzt bitt i di dafür:
Mach ma's netta oamol z'wißn,
→ ob i do da deinig wir.
Därf i do a bißl hoffn?
Medei,) sog ma's netta bald,
und i sag das ehrlig/offn,
s' Bratl dort/hab i da zahl.
→ Und a Viertl Karlowitza,
kann denn aba i dafür,
wannst a paar so Umasitza
ollwei saufn kasst ba dir.
Blaue Fleck und s' G'wanda z'rißn,
D'Schlög und d'Zöch, wa olls nöt schia'
nur dös oane möcht i wißn,
ob i doh da deinig swia. (Sepp Windhager)

Musik: Flott, Spielmusik Kunerth. ~~UK 2913~~ ~~Polk. Hupp. UK 1535~~ 485

Sprecher:

So, / i glaub, ös habts begriffn,
was i sagn wollt mit mein G'säus,
habnt a weng af d' Sorgn pfiffn,
solln wo ondas nogn d' Mäus.
Nur dös oane sag i grad no',
wü enk weida nöt mehr störn,
hiatzt holt i mei stade Stund o'.
Pfüat enk Gott! / Auf Wiedahörn!

(Harry Harrant)

Ende.

~~UK 2913~~

1002